



BOLLETTINO

SALA STAMPA DELLA SANTA SEDE

N. 0004

Mercoledì 02.01.2013

Pubblicazione: Immediata

Sommario:

◆ **LETTERA DEL SANTO PADRE ALL'INVIATO SPECIALE ALLA CHIUSURA DELL'ANNO GIUBILARE DEDICATO ALLA VENERABILE SERVA DI DIO PAULINE JARICOT (LIONE, 9 GENNAIO 2013)**

◆ **LETTERA DEL SANTO PADRE ALL'INVIATO SPECIALE ALLA CHIUSURA DELL'ANNO GIUBILARE DEDICATO ALLA VENERABILE SERVA DI DIO PAULINE JARICOT (LIONE, 9 GENNAIO 2013)**

LETTERA DEL SANTO PADRE ALL'INVIATO SPECIALE ALLA CHIUSURA DELL'ANNO GIUBILARE DEDICATO ALLA VENERABILE SERVA DI DIO PAULINE JARICOT (LIONE, 9 GENNAIO 2013)

In data 10 novembre 2012, il Santo Padre Benedetto XVI ha nominato l'Em.mo Card. Paul Poupard, Presidente emerito del Pontificio Consiglio della Cultura, Suo Inviato Speciale alle celebrazioni conclusive dell'anno giubilare dedicato alla Venerabile Serva di Dio Pauline Jaricot, nel 150° anniversario della sua morte e nel 50° anniversario del decreto dell'eroicità delle sue virtù, in programma a Lione (Francia) il 9 gennaio 2013.

Il Cardinale Inviato Speciale sarà accompagnato da una Missione composta dai seguenti ecclesiastici:

- Mons. François Duthel, Postulatore della Causa di Beatificazione della Serva di Dio Pauline Jaricot;
- Rev.do P. Daniel Carnot, già Superiore Generale della Società delle Missioni Africane.

Pubblichiamo di seguito la Lettera del Santo Padre all'Em.mo Card. Paul Poupard:

● **LETTERA DEL SANTO PADRE**

Venerabili Fratri Nostro
PAULO S.R.E. Cardinali **POUPARD**
Praesidi olim Pontificii Consilii de Cultura

Venerabilis Serva Dei Paulina Jaricot iam iuvenis votum fecit castitatis in corpore et in spiritu servandae, atque deinde, familiares relinquens opes, pauper omnino vixit. Cotidianae vitae exemplo, assiduis precibus variisque inceptis missionalem Ecclesiae navitatem fovit et, suis cum sociis, Operam a Propagatione Fidei condidit. Quod Institutum XIX saeculo non solum missionali motui in Francogallia valde favit, sed etiam multis aliis in regionibus in quibus Evangelium Christi nuntiatum audiebatur.

Quandoquidem CL anni transierunt a die IX mensis Ianuarii anni MDCCCLXII, quo praeclara illa Christi discipula pie in Domino obdormivit, atque L anni a die XXVI mensis Februarii anni MCMLXIII explebuntur, quo beatus Ioannes XXIII, illustris Decessor Noster, Decretum de virtutibus heroico modo ab ea exercitis promulgare iussit, ecclesialis communitas Lugdunensis, quam Venerabilis Frater Noster Philippus S.R.E. Cardinalis Barbarin studiose moderatur, *Annum Iubilarem* Venerabili Servae Dei Paulinae Jaricot dicatum sollemni modo celebrat. Opportune igitur multa suscipiuntur incepta ut eius virtutes et vitae ratio, quae etiam fidelibus aetatis nostrae prodesse possunt, magis comprehendantur et divulgentur.

Hac oblata occasione memoratus Archiepiscopus Metropolita humanissime rogavit ut Nos quendam insignem Purpuratum designarem qui celebrationibus conclusionis *Anni Iubilare* Nostro nomine praeesset atque verba spiritalis adhortationis pronuntiaret. Piae huic postulationi Nos adnuere volentes, ad Te, Venerabilis Frater Noster, decurrimus qui, praestantissimus Francogalliae filius, munus olim Praesidis Pontificii Consilii de Cultura diligenter exercuisti. Te igitur hisce Litteris MISSUM EXTRAORDINARIUM NOSTRUM nominamus ad celebrationes conclusionis *Anni Iubilare* Venerabili Servae Dei Paulinae Jaricot dicati, quae Lugduni die IX proximi mensis Ianuarii sollemni ritu agetur. Testimonium enim fidei huius Venerabilis Servae Dei ad hoc usque tempus magno excellit pondere atque omnes credentes impellit quo melius Christum cognoscere et amare studeant operamque novae evangelizationis diligenter participant. De prudenti ergo hac muliere loquens eiusque assidua operositate, omnes celebrationum participes invitabis ut precibus et vitae cotidianae exemplo renovatoque studio peculiarem dilectionem in Christum et Evangelium demonstrent.

Cunctos ibi congregatos sacros Praesules, in primis Pastorem Lugdunensem, publicas auctoritates, sacerdotes, religiosos viros mulieresque et christifideles laicos Nostro salutabis nomine Nostramque iis ostendes benevolentiam. Nosmet Ipsi Te, Venerabilis Frater Noster, in tua missione implenda precibus comitabimur Tibique Benedictionem Apostolicam libentes impertimur, signum Nostrae erga Te caritatis et caelestium donorum pignus, quam omnibus celebrationum participibus rite transmittas volumus.

Ex Aedibus Vaticanis, die I mensis Decembris, anno MMXII, Pontificatus Nostri octavo.

BENEDICTUS PP. XVI

[00014-07.01] [Testo originale: Latino]

[B0004-XX.01]
